

厚德堂集驗方萃編



厚德堂集驗方萃編

長白馬佳奇克唐阿慎修手輯

男馬佳松椿濟莊參校

卷四

癰疽諸方

折傷諸方

雜治諸方

癰疥諸方

膏藥諸方

藥酒諸方



痞積諸方

青藥散

蘇衣散

綠合散

林散

蘇衣散

卷四

皇極堂集錦方萃

身白馬卦奇文惠所撰新平

異馬卦公辭齊非參林



癰疽瘡癰總論

夫癰疽瘡癰皆由氣血不和所致有因喜怒飲食寒暑之間不自節檢以致五臟六腑之氣拂鬱於內而發者有因久服丹石燥熱之藥以致熱毒結深而發者此疾大約多生於富家以其食多肥膩不服勤勞兼之嗜慾無節故邪攻攻而疾易成也夫癰者壅也六腑積熱騰出其發暴甚皮腫光軟大而高起者屬乎陽其脈浮數疽者沮也五臟風毒積熱攻於肌肉其發猛惡初生一頭如瘡癰白色焦枯觸之心痛者屬乎陰其脈沈數若熱發於皮膚之間浮腫根小不過二三寸者癰也瘡其總名也第癰生於六腑若燎原之火外潰肌膚易療而遲瘡疽生於五臟若陶室之燧內消骨

髓難療而易痊治者須察其虛實寒熱凡瘡未破毒攻臟腑斷不可投以熱劑若已潰破臟腑既虧飲食不進更不可投以冷藥此要訣也凡人四十以上頭頂腰頤脅脇之間及筋骨之上稍有瘡癩切弗輕易調治一以常疾視之有不斃命者鮮矣至於諸瘡之中惟背疽疔瘡最為急症其次如腦疽腸癰喉癰亦不可緩又如瘰癧懸癰痔漏以及疥癬臙瘡風疖之類得之輕重不同尚可緩治但瘡有五善七惡不可不辨若動息如常飲食知味一善也便利調勻二善也膿潰色鮮不臭三善也語音清朗四善也氣體和平五善也如煩燥咳嗽腹痛渴甚泄利無度小便如淋一惡也膿血大泄臭惡焮痛二惡也喘麤短氣恍惚思卧三惡也未潰先黑

久陷不起四惡也四肢沈重轉側不便五惡也飲食不進服藥而嘔六惡也浮腫面青色脫聲嘶七惡也更有氣噎痞塞咳逆身冷盜汗不止目眩耳聾恍惚驚悸俱是惡症五善見三則安七惡見四則危五善並至則吉七惡全見則死矣

一凡病時忌暴怒疑慮及不潔之人來看忌魚羊鷺肉酒麵生冷食物瘡口平復之時尤忌往來慶弔以免復發惟過百日則無妨矣

一論癰疽等瘡初起二三日可服飛騰神駿膏如無膏者服槐花酒或千金消毒散再將患處灸之過七日則不可灸當用葱蜜膏或金蟾膏芙蓉膏敷之至作膿之時仍不可以針刺當以替針丸

頻點瘡潰出膿隨服真人活命飲再將潰爛之處用猪蹄湯洗淨以三神膏搽之再服千金內托散以托瘡毒間服蠟礬丸以護膜二藥相濟其效可收或仍有潰爛不止瘡口不斂者此氣血兩虛之過仍以猪蹄湯洗淨敷生肌散外貼神異膏內服十全大補湯兼進八仙糕內外交養功效立覩矣

一論飛龍奪命丹乃外科惡毒第一方也

方見後諸瘡

一論癰疽發背瘰癧鼠瘻氣癰等症此專門之方其效甚捷

飛騰神駿膏

麻黃

二觔去節取一觔淨

杏仁

四兩熟水泡去皮尖用砂鉢搗爛又入水同搗澄去濁渣

用清

防風

去蘆淨四兩

地骨皮

去骨淨四兩

甘草

四兩

木鼈子

去殼十箇

頭髮

一大把

燈草

一大把

黑鉛

一塊

右熬膏法不用柴燒用白

炭五十觔大銅鍋一口將前藥入鍋內注清水二三桶煮至五六分藥水濃時渣濾起藥水另放缸內又將前渣入鍋煮如前法煮至三次將渣濾淨再將三次汁並作一鍋熬至成時將黑鉛燈草頭髮去淨磁罐收藏遇病每服三錢臨卧時以熱酒送下令通身出汗切忌受風汗後恐人虛弱須食煨猪蹄補復元氣好酒亦可少飲神效異常

太乙紫金丹

太乙紫金丹大戟茨菇文蛤共千金雄麝硃砂凡

七品諸瘡百症總通神

山茨菇

二兩洗去皮毛淨焙

川文蛤

二兩槌破

淨焙一名麝香

三錢揀淨毛皮乾者研淨

千金子

一兩仁白者去油一名續隨子

紅芽大

戟

一兩五錢出杭州紫大戟為上江南次之北方硃砂有三錢綿大戟性烈用上品者去蘆根洗淨焙乾為末有神

氣者研雄黃

一錢五分鮮紅大塊研極細末

以上之藥各揀精品於淨室

內如法泡製虔選吉日將前七味藥復等稱准入於大乳鉢內再研數轉方入細石臼中再加糯米飲調和軟硬得中

方

用杵搗至千餘下至極光明為度每錠一錢每服一錠病重

者服二錠後用溫粥補之修合時除室內之人不可令見總

須虔誠潔淨方有靈效 治一切飲食毒藥毒虫毒瘴氣惡

菌河豚中毒自死驛馬牛羊猪雞之肉人誤食之必然昏亂

卒倒或生異形之症並用水磨服或吐或瀉其昏自醒或山

嵐障氣煙霧瘟疫惡寒惡熱欲嘔不嘔即磨一錠服之得吐

便愈對口疔瘡癰疽發背無名腫毒柱節紅綠等疔及楊梅

瘡諸風癰疹新久瘰癧並用無灰酒磨服外用酒磨塗搽瘡
上日夜數次覺癢而消陰陽二毒傷寒心悶胸膈塞滯邪毒
未出發狂譫閉喉風俱用薄荷湯磨服赤白痢疾肚腹泄瀉
急霍亂絞腸痧以及諸痰抽噎並用姜湯磨服婦人急中顛
邪喝叫奔走鬼交鬼胎鬼氣鬼靨失心狂亂羊兒猪顛等瘋
俱用石菖蒲煎湯磨服中風中氣牙關緊閉筋脈攣縮骨節
風腫遍身疼痛行步艱辛諸癰並用酒磨頓熱服自縊溺死
驚死壓死迷死但心頭微溫未冷者俱用續斷生姜兼酒磨
服一切蛇風大毒蠍蜚溪澗諸惡等蠱傷人隨即發腫攻注
遍身甚者毒氣入裏昏悶怪叫命在須臾俱用酒磨服灌下

再吃葱湯一碗出汗立愈新久瘡疾臨發時東流水煎桃柳枝湯磨服小兒慢驚風五疳五痢脾病黃腫癰疹瘡瘤並用薄荷湯下浸水磨濃加蜜服之仍塗腫上年歲幼者每錢作數服牙痛酒磨塗患處仍含少許良久嚥下小兒父母遺毒生下百日內皮濕膿爛穀道眼眶損爛者俱用清水磨塗打撲傷損松節無灰酒磨送下年深日久頭疼太疼及偏正頭風時瘡愈後毒氣攻注腦門作脹婦女經水不通者紅花湯下凡遇天行疫症相傳遍染用桃根湯磨濃搽入鼻孔再服少許永不傳染誠濟世之寶藥也

治發背癰疽仙方 用好醋煮五倍子入猪腦髓同搗如膏貼之

如瘡在左用左邊猪腦在右用右邊猪腦

仙方療疽 桐鄉朱村徐通判素奉呂祖一日疽發於背病勢漸

危然猶扶起禮拜如故忽見淨水盂下有白紙一幅視之詩

云紛紛墓土黃金屑片片花飛白玉芝君王一勛臣八兩調

和服下即平夷意是仙方而不知黃金白玉為何物問之乩

仙判曰大黃白芷也服之果驗

梅花點舌丹 治一切無名腫毒發背癰疽對口便毒用之即時

定痛無膿內消有膿祇出一線瘡口易完誠外科神方也孕

婦忌服 硃砂 雄黃 白礬 血竭 乳香 沒藥 蟾

酥各二錢人牛黃 冰片 沈香 各一錢麝香 熊膽 珍

乳汁浸

珠各六分 苦苧蔴二錢 俱選上品好藥虔心修製為極細

末以浸濕蟾酥為丸如桐子大金箔為衣每服一丸含舌底
下隨津吞嚥次用熱澹酒薄飲取汗立愈

玉紅膏 治一切發背對口疔毒瘰癧等瘡 礪砂 血竭各四分

阿魏 雄黃 沒藥 乳香 孩兒茶 珍珠豆腐內煮過 象牙

火炙輕粉各三分 黃丹水飛過 共為細末香油三兩夏用二兩

黃蠟一兩鐵鍋熬鎔候冷入前藥末攪勻視油色紅為度疼

痛倍用真乳香真沒藥紫血堅硬倍用血竭生肌倍用珍珠

若珠少石決瘡熱加冰片一分瘡不收口加象皮燒存性如發

背大瘡加男子髮灰三分酵發白麵燒焦二者並加攪成厚膏

一 敷白紙上貼之凡瘡初起成形未潰已潰濕以藥末乾敷旁過小孔用榆樹皮煎湯調藥末作鍼形下孔內腐肉敷紅粉外貼此膏

五香丸 治一切無名腫毒 沈香 丁香 木香 藿香 乳

香 各二錢 沒藥 川大黃 硃砂 血竭 各一錢 輕粉 麝

香 各一分 巴豆 十粒 麪包火煨焦 色粗 新磚去油 共為細末生蜜為丸如

梧子大每服一丸黃酒溫服

先天大造丸 治風寒濕毒襲於經絡初起皮色不變漫腫無頭

或陰虛外寒侵入初起筋骨疼痛日久遂成腫潰膿水清稀

漸成漏症服之即效 紫河車 一具酒煮搗膏 熟地 四兩酒煮搗膏 枸杞

兔絲子 歸身 人參 茯苓 黃精 肉苁蓉 酒煮 白

求 丁香 各三錢 何首烏 去皮用黑 川牛膝 仙茅 浸去 汁蒸 赤

去皮 黑棗肉 各二兩 骨碎補 去毛 川巴戟 破故紙 鹽水 炒

志 去心 各木香 青鹽 各五錢 共為細末煉蜜為丸如桐

子大每服七十丸空心溫酒下

琥珀丸 治一切皮色不變漫腫無頭氣血凝滯結成流毒但成

膿者便效 大黃 二兩 南星 鬱金 白芷 各一兩 共為

細末用蒜頭去殼搗爛入上藥再搗稠入酒三是調勻遍搽

腫上如次日起泡者將泡中黃水挑破再用此膏貼之

一醉散 治諸般腫毒 全蝎 酒洗三錢 羌活 五錢 薑蠶 一錢 去

去頭足 錢 羌活 五錢 薑蠶 一錢 去

乳香去油 沒藥去油各一錢 雄黃 三錢 麝香 三分 共為細末每

服三分葱酒煎湯下

真人活命飲 山甲 角鍼 乳香 沒藥 甘草 銀花

風 赤芍 歸尾 花粉 大貝 陳皮 大黃 各等分

祇用一服水酒各一鍾煎熱服

神驗疔毒丸 雄黃 大黃 巴豆去心皮生用各三錢 用石白石杵春

爛如泥以飛羅麵陳醋煮糊為丸鳳仙子大病重者二三十

丸輕者十九丸熱水送下但忌食生冷油膩之物

疔瘡救急良方 大蠅螂 一個 竹刀切開內中有白點即是心將

心對疔上敷半個時辰連根拔出即消

隔皮取膿方

驢蹄牙

焙乾

蕎麥麵

各一兩

草烏

四錢

共為末

水作餅子慢火炙黃去火毒為末醋成膏攤貼之其膿沒頭

面而出毒即消

收口妙方

輕粉

黃連

木香

白芨

各等分搽之即愈

透天膏

治一切無名腫毒惡瘡內消

蟬肚玉金

明雄黃

巴豆仁

各五錢

另研末一處拌勻紙裹內用捲捍數次捍

成黃紙為度凡有一切惡瘡初起時用紙一塊頂上剪一小

孔古醋內蘸濕為度不可太多一貼即消合藥時須用天明

辰時虔心修製不見婦人雞犬則得矣

治抹諸瘡毒法

水銀

五釐

輕粉

沒藥

乳香

各一分

光粉

二分